

Samoan - Maualuga Tusi - Protection Scriptures

Ieremia 1:18 Faauta foi, o a'u nei ua ou faia oe i le aso nei ma aai nofo 'olo, ma pou uamea, ma pa 'apa memea e teteeina ai le nuu uma, o tupu o luta, ma ona alii, ma faitaulaga, ma tagata o le nuu.

Esekielu 3:18 - Iakopo 5:19,20 O'u uso e, 'āfai e sesē se isi o 'outou i le 'upu moni, a 'ua toe fa'afō'i mai o ia e se isi; 20 'ia iloa e ia, o lē na toe fa'afō'i mai le tagata agasala mai le sesē o ona ala, o le a fa'aolaina e ia le agaga o lenā tagata mai le oti, e ufiufi fo'i i le tele o agasala.

Ieremia 6:27 Ua ou tofia oe o le tofotofo i lo'u nuu, o le 'olo, ina ia e iloa, ma tofotofo i lo latou ala.

Levitiko 26:19 Ou te nutipalaina lo outou malosi ua outou mitamita ai; ou te liliu ai lo outou lagi e pei o le uamea, ma lo outou lauelele e pei o le 'apa memea.

Teuteronome 23:5 A e lei finagalo le ALII lou Atua e faafogaga ia Palaamo; a au faaliliuina e le ALII lou Atua e faafano e fai ma faamanuia ia te oe, auā na alofa mai le ALII lou Atua ia te oe.

Roma 12:21 'Aua ne'i fa'ato'ilaloina oe i le leaga, a 'ia ē fa'ato'ilaloina le leaga i le lelei.

Salamo 143:8,10 - Ioane 14:26 A o le Fesoasoani, o le Agaga Pa'ia lea, o lē e 'auina mai e le Tamā i lo'u igoa e a'oa'o 'iā te 'outou i mea uma, ma fa'amanatu 'iā te 'outou mea uma lava na 'ou fai atu ai 'iā te 'outou.

Salamo 94:12 - Ioane 16:13 'Ae a maliu mai o ia, o le Agaga lea o le 'upu moni; na te ta'ita'iina 'outou i 'upu moni uma lava; auā e lē tautala o ia i lana lava pule, a o mea uma e fa'alogo i ai, e tautala a'i o ia; ma e fa'aali atu fo'i e ia 'iā te 'outou mea o le a o'o mai.

Faataoto 27:12 - 1 Korinito 10:13 E lē afaina 'outou i tofotofoga e pei 'ona masani ai tagata. E fa'amaoni le Atua, e lē tu'uina atu e ia 'outou 'ina 'ia tofotofoina e sili atu i lo le mea tou te mafaia, 'ae saunia fo'i fa'atasi ma le tofotofoga se ala e sao ai, 'ina 'ia mafai e 'outou 'ona tau'ave.

Filipi 2:16 o lo'o 'outou tāofi mau le 'upu o le ola, e fai ma mea 'ou te mitamita ai i le aso o Keriso 'ina 'ua 'ou lē momo'e fa'alēaogā, pe galue fa'alēaogā.

Isaia 49:4 - Kalatia 4:11 'Ua 'ou fefe 'ona o 'outou, 'ina ne'i i'u 'ina fa'alēaogāina la'u galuega na faia 'iā te 'outou.

Salamo 76:3 Na ia gauia i lea mea o u fanafana mu, o le talita, le pelu, ma le taua. Selā.

Eperu 13:21 Ia fa'a'ato'atoaina 'outou e ia i galuega lelei uma lava, 'ina 'ia 'outou faia lona finagalo, ia galuea'iina e ia i totonu 'iā te 'outou le mea e mālie i ona luma, 'ona o Iesu Keriso; ia 'iā te ia le vi'iiga e fa'avavau fa'avavau lava. Amene.

1 Korinito 16:15 Uso e, 'ua iloa e 'outou le 'āiga o Setefana, o i latou o ulua'i tagata na liliuina i Akaia ma 'ua tu'uina atu i latou e i latou lava e 'au'auna ai i le au pa'ia.

Filipi 1:27 Tau lava ‘ina ‘ia tusa ai la ‘outou amio ma le Tala Lelei ‘iā Keriso, pe ‘āfai ‘ou te alu atu ma feiloa‘i ma ‘outou, po o lo‘u nofo ‘ese fo‘i nai ‘iā te ‘outou, ia ‘ou iloa lava sina tala ‘iā te ‘outou, e tusa ma lo ‘outou tumau i le agaga e tasi, ma le manatu e tasi, o lo‘o finau fa‘atasi mo le fa‘atuatuaga ‘ua i le Tala Lelei.

1 Korinito 15:58 O le mea lea, o‘u uso pele e, ‘ia tumau ‘outou ma le lē fa‘agae‘etia, ‘ia ‘outou mautinoa e lē fa‘alēaogāina la ‘outou galuega i le Ali‘i.

Kolose 4:12 O lo‘o alofa atu ‘iā te ‘outou Epafera, o ia o se tasi lava o ‘outou, ma o le ‘au‘auna a Keriso Iesu o lo‘o matuā tatalo o ia e lē aunoa mo ‘outou, ‘ina ‘ia ‘outou tumau ma ia tagata matutua ‘outou, o ē ‘ua mautinoa le finagalo uma lava o le Atua.

2 Tupu 19:34 Auā ou te faamamaluina le aai nei ia ola ona o a‘u nei lava, ona o Tavita foi la‘u auauna.

Ieremia 15:20 - Roma 8:31 O le ā ‘ea sa tatou ‘upu e fai i lenei mea? ‘Āfai ‘ua ‘au ma i tatou le Atua, o ai la e fa‘asagatau mai ia i tatou?

Ieremia 15:21 - Mataio 6:13 ‘Aua fo‘i ‘e te ta‘ita‘iina i matou i le fa‘aosoosoga, a ‘ia e lavea‘i i matou ai le leaga.’

Salamo 55:18 - 1 Ioane 4:4 Le fānau e, e mai le Atua ‘outou, ‘ua ‘outou fa‘ato‘ilaloina perofeta pepelo auā o le Atua o lē o lo‘o i totonu ‘iā te ‘outou e silisili i anetikeriso o lo‘o i ai i le lalolagi.

Esekielu 30:24 - Luka 1:51 Na fa‘aloaloa atu Iona ‘a‘ao malosi; ‘ona fa‘ata‘ape‘apeina ai lea o ē e fa‘amaualuluga ma a latou fuafuaga uma lava.

O Le Fa‘aaliga 3:18 O le mea lea ‘ou te fai atu ai ‘iā te oe, ia e fa‘atau atu ‘iā te a‘u le auro ‘ua fa‘amamāina i le afi, ‘ina ‘ia e tamao‘āiga ai; ma ‘ofu papa‘e ‘ina ‘ia e ‘ofu ai, ‘ina ne‘i iloa le ma o lou lē lavalavā; ma le vaimata e nini a‘i ou mata, ‘ina ‘ia e pupula ai.

1 Ioane 3:17 ‘Āfai ‘ua i se tagata le ‘oloa o le lalolagi ma ‘ua va‘ai atu i ona uso mativa, ‘ae punitia ona mata ‘iā te ia, pe fa‘apefea ‘ona tumau o le alofa o le Atua ‘iā te ia?

Isaia 50:4 - Luka 21:15 auā ‘ou te avatua ‘iā te ‘outou le ‘upu ma le poto; e leai fo‘i se isi e finau mai ‘iā te ‘outou na te mafaia ‘ona fa‘afiti mai, pe tete‘e mai ‘iā te ‘outou.

Efeso 6:10-12 O le toe ‘upu, ‘ia ‘outou lototetele i le Ali‘i ma le malosi o Iona mana. 11 ‘la ‘outou ‘o‘ofu i ‘ofutau mai le Atua, ‘ina ‘ia ‘outou mafaia ‘ona tete‘e atu i togafiti a le tiapolo. 12 Auā tatou te lē tau ma tagata, a o ali‘i sili ma faipule ma ali‘i o le pouliuli o lenei lalolagi, ‘atoa fo‘i ma agaga leaga o i le lagi.

Salamo 18:39 - 1 Korinito 15:25 Auā e tatau ‘ona pule Keriso se‘ia o‘o ‘ina tu‘uina e le Atua fili uma i lalo o ona vae;

2 Samuelu 22:40 - Kolose 1:11 ‘la fa‘amalosia ‘outou i le malosi uma lava, e tusa ma Iona malosi silisili, e i‘u ai i le tumau ma le ‘onosa‘i ‘atoa ma le ‘oli‘oli,

Salamo 89:43 - Efeso 6:13,14 O le mea lea, ‘ia ‘outou tago i ‘ofutau ‘ato‘atoa mai le Atua, ‘ina ‘ia ‘outou mafaia ‘ona tete‘e atu pe a o‘o i le aso leaga, pe a uma ‘ona ‘outou faia o na mea uma, ‘ona ‘outou tūtūmau ai lea. 14 O le mea lea ‘ia tumau ‘outou, ‘ia fusia o ‘outou sulugātiti i le fa‘amaoni, ma ‘ia ‘avea le amiontu ma o ‘outou ufifatafata,

Esekielu 13:6 - Mareko 13:22 Auā e tutū mai Keriso pepelo ma perofeta pepelo; e faia fo‘i e i latou fa‘ailoga ma mea ofoofogia ‘ina ‘ia fa‘asesēina ai tagata e o‘o lava i le ‘au filifilia, pe ‘āfai e mafai.

Levitiko 26:37 E pauu foi i latou le tasi i luga o le tasi, e peiseai o i luma o le pelu a o lei tuliloaina e se tasi, e leai foi so outou malosi e tetee atu ai i e o fai outou mo latou fili.

1 Korinito 14:8 ‘Āfai e fa‘alētonu le leo o le pū, o ai ‘ea e sauni e tau?

Ipou 15:24 Ua faamatautia o ia e le puapuaga ma le tiga; la te manumalo ia te ia, e pei o le tupu ua sauni i le taua.

1 Nofoaiga a Tupu 12:8 Ua vavae mai o sa Katō ia Tavita i le ‘olo i le vao, o toa malolosi, o tagata o ‘au e taulia le taua, e masani i le talita, ma le tao; o latou mata foi o mata o leona, ua tele vavave foi i latou e pei o sevi i mauga;

1 Nofoaiga a Tupu 12:33,38 O e o Sepulona e na o atu e tau, ua sauniuni i le taua ma auupega uma o le taua, e lima sefulu afe, o e na popoto i pae tau; e lei faalotolotolua i latou. 38 O ia ‘au uma o le taua o e ua popoto e pae tau, na o mai i latou i Heperona ma le loto atoa e fai ai Tavita ma tupu o Israelu uma; atoa ma e na totoe uma o Israelu na loto gatasi e fai Tavita ma tupu.

Luka 10:19 O lenei, ‘ua ‘ou foa‘iina atu ‘iā te ‘outou le pule tou te solia ai gata ma akarava, ma le malosi uma o le fili; ma e leai lava se mea e tasi e afaina ai ‘outou.

2 Korinito 7:10 Auā o le tigā e tusa ma le finagalo o le Atua, e tupu ai le salamō e o‘o atu ai i le fa‘aolataga e lē toe i ai se salamō; a o tigā fa‘alelalolagi e tupu ai le oti.

2 Timoteo 2:25,26 o lē e a‘oa‘i atu ma le agamalū i ē e tete‘e mai. Atonu e tu‘uina atu ‘iā te i latou e le Atua le avanoa, ‘ina ‘ia salamō ai i latou ma iloa ai le ‘upu moni. 26 ‘Ona sosola ‘ese ai lea o i latou i le mailei a le tiapolo, o ē ‘ua maua e ia e fai Iona lava finagalo.

Neemia 4:15 - Galuega 5:38 O lenei la, ‘ou te fai atu ‘iā te ‘outou, ‘ia ‘outou ‘alo ‘ese ma nei tagata, ma ‘ia tu‘u ai pea i latou; auā ‘āfai na tupu mai tagata lenā sauniga ma lenā galuega, e fa‘aumatia;

Salamo 73:24 - Iakopo 1:5 ‘Āfai ‘ua leai se poto i se isi o ‘outou, inā tatalo atu ia i le Atua, o lē e foa‘i atu i tagata uma ma le lē toe ta‘uta‘ua; ‘ona foa‘iina lea ‘iā te ia.